

興國縣志卷之二十五

人物三

處士

宋

鍾棐字子翼清德鄉人博學篤行為歐陽永叔尹師魯  
余安道會子固所知儂智高叛嶺南聲搖江右虔守曹  
觀欲籍民財備戰守謀於棐棐曰智高必不能過嶺無  
事而籍民民懼且走矣觀曰如緩急何棐曰同舟遇風  
胡越可使為左右手况吾民乎不幸而有急則官與民  
為一家夫孰非吾財者何以籍為觀悟而止棐嘗與蘇

興國縣志

卷二十五

人物  
處士

一

明允遊後蘇子瞻自海南還訪棐已歿作哀詞誄之

蔡志

李存渾之子宋元豐己未進士不樂仕進與郡人陽孝

本隱於通天巖號崆峒二老有詩集四卷

贛州府志

李珙字元瑞朴從子博雅蚤有時譽孫毅夫以女妻之  
崇寧中計偕京師阻疾而歸遂不仕後徵辟不起賜號

養素處士子謙登進士

贛州府志

王瑜號北邱北隅二里人穎異濶達絕意仕進天性孝  
友喪祭皆準於禮訓子以義曰聖人不能違時爾盡忠  
國家雖言不用吾亦可以無憾其見大義如此卒年八  
十二廬陵周益公銘其墓云草野逸民而心在王室始

非尋常山林中人者也

蔡志

呂禎字文祥寅長子南隅一里人以歲貢入太學靖康初與陳東歐陽徹陳廷臣等上書言蔡京童貫王黼李彥朱勔梁師成六賊當誅獲譴放歸田里朝論重其氣節後屢徵不起邵知柔贈以詩

蔡志

張尚瑗曰陳東伏闕上書請誅蔡京等六賊所率太學諸生有興國呂禎焉緝呂氏家牒者從而增飾之以東所上書稿歸之於禎云與同列上書編管道州高宗時特召不起有紹興年徵辟詔書縣志仍之夫宣和內禪六賊旋敗一梁師成留禁中終以東言謫

興國縣志

卷二十五

人物處士

二

死東除太學錄豈從其後者反得罪編管乎伏闕上書之人皆太學生也宋史一曰率其徒再曰率諸生而邑志稱同列其辭不根且東與歐陽徹以靖康應詔陳言而得名以建炎發憤上書而蒙戮蓋黼勔當貫盈之時而潛彥擅方張之欲少陽德明酷禮正在高宗改元而文祥反以此時遇赦得歸何顛倒之甚耶然則呂禎亦偽名乎曰其同事則有之矣禎之裔孫復嘗友宋景濂而為明高帝采史者必不矯誣其先世又有邵知柔贈禎詩非緝譜之人所能偽撰然譜之粉飾支離皆緣是詩而起曰十分頭白道州回

此編管道州所自來也曰先生無用鶴書催此手詔  
特徵所自來也不知詩之言道州者乃引陽亢宗相  
譬而鶴書敦催猶云捉鼻不免耳傖父解書遂撫爲  
實事詣超宗索鳳毛不堪一噓矣

按孔志此條自注本蔡志今以蔡志校之獲譴下有  
編管道州建炎改元八字孔志殆因損持太史之辯  
而去之耳然太史贛州府志於呂禎傳前後事蹟多  
從刪而獨留編管道州句殊爲難曉茲仍孔志原文  
並錄張太史訂譌之說如右

蔣志

明

興國縣志

卷二十五

人物處士

三

鍾頴字復翁紹京裔孫幼習經書補諸生有志於道德  
性命之學榮進羔雉非其所好築舍爲義學以訓子弟

唐令子儀爲之記

蔡志

鍾士珍諱盈以字行子彥曾孫子彥博學長才不求聞  
達卜築別業自號方塘清隱唐令子儀爲之記珍性孝  
友亦決意高尚以方塘繼隱爲號教子義方不營世利  
賓席推重凡四次

蔡志

蕭貫釗別號雲峯厭舉子業怡情山水嘗與謝鳳岡交  
相唱和性克孝事母備敬養屢膺賓飲年八十餘終

蔡志

胡廷聘南隅人性樸茂有懷葛之風泰和尹官保直讚

之云匿耀還滄屏浮黜偽蓋真高蹈之士也蔡志

李雁南隅人性嗜學弱齡補弟子員事繼母以孝聞晚

年斂跡林園杜門不出年八十二卒蔡志

歐陽天赦性孝友敦行誼鄉評重之邑令馮常敦請賓

席以韋布終蔡志

鍾度字于寬衣錦鄉人濶達宏偉日記數千言早歲食

餼比貢授南安司訓語人曰丈夫不能酬壯志安用是

跼踖為遂不仕篤行孝友撫季父遺孤無間己子鄉里

爭敬禮之蔡志

歐陽惠字惟馨西隅人幼刻勵讀書幾於目眇為邑諸

興國縣志 卷二十五 人物處士 四

生足不履公庭徜徉林泉不為名祿所動蔡志

王沛字九德性謙抑自持少精舉子業屢躋棘闈不以

為意海令瑞甚器重之以聞學使者獎其行泉石自怡

人稱隱德蔡志

呂雲字從龍邑諸生博學嫻古文詞嘉靖間嘗就吳督

府百朋聘指畫方略平峒寇三巢為當事所忌脫然泉

石訓迪後進年八十九終蔡志

李元顯字貴卿南隅人邑諸生芥視功名徜徉自適其

志仲兄宦遊閩中欲迎母就養元顯愀然曰奈何以升

斗使皤白榆景間關千里耶奉母甘臚不貽兄憂蔡志

呂鳴鍾字和卿東隅人自幼穎異年十五食餼學使者四次拔冠諸生性耽恬退潛心義理閒居無惰容絕口不言人過有太古之風

蔡志

鍾道謙東隅人紹京裔孫幼失怙恃鞠於伯母及長事伯母如其母忠厚渾樸不求聞達所立家規皆可垂後人稱隱者

蔡志

鍾韶典道謙從子器識淵宏為當時名輩所許與兄韶鏗博覽羣書屢膺賓筵其弟韶鑑韶錦韶銘俱重鄉評有司嘉其行誼稱為盛世逸民

蔡志

劉昂字仲濃西隅山下人諸生常從司訓方孔善學易

興國縣志

卷二十五

人物處士

五

深晰易理事繼母能孝養恬淡無華隱居獨行其志急人困厄閭里高之

蔡志

鍾宣怵圓子與兄宣性俱以學行著宣怵少食廩餼屢拔前茅志意豁達不事棘闈放蕩山水之間

蔡志

李愷子高裔孫為人重義樂與賢豪長者相結西昌大司馬郭公微時嘗與遊深見雅重易令道源舉為介賓

蔡志

李曰銑拊子家貧力學善詩文築貴竹園教子課孫絕不聞戶外事著有顧源野錄

蔡志

歐陽翀字鷗翔王士縉字令公邑諸生崇禎末皆試高

等有名國變遂不出縣以所應得餼給之辭弗受以初

服終

志林

國朝

廖安民字覺先崇禎癸未拔貢生

國朝兵定嶺表遺衆猶盤踞九龍砦在興寧永豐三邑  
大兵環之久不下安民素識其渠帥往諭之衆喜相告  
曰季路要我矣萬衆一時解散郎太守永清雅重安民  
名謂之曰以生之才乘此時富貴可得安民再拜曰楊  
清江守贛時辟某軍府以大厦非一木所支未敢輕赴  
當九龍就招虔撫亦議題敘所以辭之至再者恐負楊

興國縣志

卷二十五

人物處士

六

相君之知也

志林

按志林載前此副將鮑虎馮起元將兵下興國多擄  
掠良民拷餉安民控其事於贛撫宜永貴撤之歸銜  
之比降九龍砦有功則益忿會雩都隘兵疫死遂以  
通粵孽坑官兵誣安民暨其子應組弁繫赴兵巡道  
萃而鞠之應組兩踵俱折時郎郡伯永清知其枉言  
於贛撫乃移府獄覆訊諸弁輩厚幣請於太守却不  
受直判曰殺人至三十八命而父母妻子無一訟冤  
者廖某何術使怨家若是遂得釋

鍾于寶字國用北隅城內人讀書慕古懷才不試幼時

母死寇難及長遍求遺骸不可得哀慕終身蔣志

呂岳瑚自號還真復裔孫性恬靜無意聞達敦尚孝友教子孫讀書以身體力行爲務至老杜門謝客鄉邑咸稱有古隱君子風嘗有詩云萬里雲霄意百年畎畝身那知漢陰丈亦是武陵人孔志

鍾谷蘭字芳伯精通子史絕意功名少遊燕洛間所過題詠當事貴人咸物色傾服之爲人孤介絕俗長寧吳松若素稱博洽與之抗論古今事理滔滔不竭嘆曰此吾畏友也郡守魯公聞其名欲見之不往著有寒塘詩集二卷孔志

興國縣志 卷二十五 人物 處士 七

謝不敏字其萃北隅人工文辭淡名利徜徉山水輒有留題多購名家法帖摹得其真年踰八十燈下作小楷猶道勁自號荷塘老人孔志

鍾遠綏字文菴北二里人力學工文淡於進取醇謹忠厚鄉邑稱爲長者膺賓筵子秀源以文名孔志

鍾昌盛字溪竿東隅人性喜澄靜重然諾幼攻帖括未幾棄去肆力詩古文詞晚年益耽書史與二三知己往來幽巖邃谷間賦詩適志怡然自得著有草園吟一卷自號草園居士孔志

呂世璜字師尚東隅人乾隆壬申 恩貢操履端方言

動不苟自律律人一準於禮每宴會有不以行輩年齒  
爲座次者雖異席必命更正少年挑達見世璜皆深自  
斂抑聞世璜語無不肅然拱聽嘗捐貲鑄鐘送學宮銘  
之曰扣此鯨音鏗鉤春容宣揚聖教以覺羣蒙學者多  
傳誦其語蔣志

鍾春弁名尚榆以字行忠孝新竹壩人頰十五世孫讀  
書不求聞達家本素封終身未嘗曳羅綺觀戲劇所交  
遊皆長者有司屢請賓筵辭不就惟厚禮幣延師儒日  
課子孫讀書卒年七十有六子世芳世蓉別有傳世葵  
例貢生以義行見稱鄉黨蔣志

興國縣志

卷二十五

人物  
處士

八

蕭雲隨字西瑞得宗六世孫閉戶讀書不問家人生業  
少補諸生第一爲督學林公枝春所深期許及食餼年  
近六旬不以介意手一編終日端坐如對古人見後進  
必取先儒格言及已閱歷有得語告之有延之課徒者  
輒不就曰吾學未成不敢爲人師也論士品者稱其生  
平不接俗人不親俗事爲邑中高雅第一云蔣志

謝功字履仁北隅鳳岡人諸生以文酒自娛不干與外  
事家貧授徒善誘掖後進學者樂親就之子鶴翎進士

官戶部主事

蔣志

善行



按善行列於人物志非卓卓可稱為鄉黨所推重及有碑銘傳贊行狀可据不為立傳其祇有一端可紀者如建設橋渡則於津梁志見之減價平糶則於田賦志社倉條下見之修理道路及獨力捐造茶亭者亦附見橋渡之後誠以一事而頻書疊見則失之複小善而鋪張揚厲則近於誇辭尚體要義貴謹嚴非示刻也然蔡志孔志之義民贛郡方志之行誼間有僅錄取一事者善善從長姑仍其舊文而不改蔣志

元

王韶字九成至正壬辰納粟五百石募丁壯三百名助

興國縣志

卷二十五

人物  
善行

九

順府敘功授本縣副尉後陞正尉志林

明

王子字字仁居鰲源人正統五年出穀二千二百石助

賑賜勅獎諭勞以羊酒旌為義民志林

鍾景迪高多人正統五年出穀二千二百石助賑志蔡

王叔瓚字資重子字姪景泰三年出穀一千一百石助

賑賜勅授冠帶志蔡

王叔鑑字字子鍾雅正景迪姪陳琢賓南隅人景泰三

年各出穀一千六百石助賑授冠帶志蔡

王明用字行之北隅二里人景泰三年獻居地以造義

倉奉例旌為義民倉址即今養濟院

蔡志

李存輔字敬存屋山上中人正統五年出穀一千五百石景泰三年復出穀一千五百五十石助賑勒石宣德丙午建儒學明倫堂正統丙辰修渡江上過橋共二座旌為義民

蔡志

李彥實屋山下人方大用王明厚藍田西上人李彥文

槎嶺人天順元年各出穀一千六百石授冠帶

蔡志

廖景華字華相衣錦鄉人成化十五年奉例出穀一千

石銀一百兩賑饑賜七品冠帶授宣義郎

贛郡方志

廖益源字清泉益温字煦菴益訓字翰屏衣錦鄉人成

興國縣志

卷二十五

人物善行

十

化二十一年奉例各出穀一千石銀一百兩賑饑均授

宣義郎

贛郡方志

鍾信字守常邑庠生竹壩人成化二十二年奉例出穀

一千石賜七品冠帶授宣義郎宏治戊申統民兵守備

會昌

蔣志

鍾瓚字玉文邑諸生書過目成誦成化二十二年應詔

輸粟賑饑授七品散官嘗率義兵禦寇會昌有功屢受

當道獎賞

蔡志

方秀規西隅人重厚周慎居家循禮喜施藥屢求不厭

成化間知縣達泰章廷圭咸獎異焉

蔡志

江秦川弟泰川營前人宏治間都御史金澤建義倉備荒秦川兄弟輸穀三千石鏹五百金疏聞授宣德郎

志林

鍾世清龍砂人嘉靖間奉詔輸賑給以冠帶又捐貲修學宮助建朱華塔造馬岡舖廖屋溪二橋屢獎尚義舉

賓飲

蔡志

劉宏西隅山下人恂悞循謹捐貲修學賑貧掩骼嘉靖

間邑令海公李公徵為賓介年九十三

蔡志

呂紹正字心古南隅一里人好善樂施行已端莊嘉靖

十三年知縣蒞觀詳給鄉閭表正匾賓飲九次卒年九

十三

蔡志

興國縣志

卷二十五

人物善行

十一

呂邦仁字湛湖南隅二里人由諸生入太學授南城兵

馬孝友尚義先產悉讓其弟捐貲修文廟櫺星門建宗

祠設義塾置田糧五石收埋枯骨萬歷戊子出金百兩

賑饑當道義之中丞李公養愚銘其藏

蔡志

鍾味泉北隅人慷慨尚義萬歷間路拾南昌洪客金覓

得其人還之洪感其德欲分金以與味泉曰本爾物還

爾分也卒不受

孔志

王子賢北隅一里人篤實敦謹施濟無吝萬歷四十四

年奉例優獎邑令屢給匾旌之年八十五

蔡志

呂乾機東隅人馴謹持身義方訓子治家儉約樂於施

濟知縣何應彪舉介質萬歷間知縣蔡鍾有匾獎曰耆

德蔡志

李浩亮志林作子高裔孫幼有才不樂仕進奉例出穀

賑饑授七品散官尚寇之亂奉上選舉領鄉兵征守會

昌有功不受賞歸老自娛蔡志

王均治北隅二里人事親順志尤友愛二弟銳意玉成

至居官猶為理其家政使一意官箴不憂內顧有司推

重舉賓飲蔡志

胡克訓南隅人素樸好禮產頗裕除口給外悉散給貧

乏或勸蓄產曰買良田多費錢種福田可消愆人多傳

興國縣志 卷二十五 人物 善行 三

誦舉賓飲蔡志

蕭彥卓文溪人事母孝撫幼弟讓居均產五世同爨邑

令賓禮之蔡志

李正素西隅人施穀賑貧全活甚多又助修明倫堂盧

令舉夫賓蔡志

江石泉字元音營前人家甚饒為人慷慨樂義好施與

凡邑鄉寺廟橋梁及崎嶇道路皆不惜捐貲修造孔志

歐陽光任素行善初為邑掾以公事至吉州塗拾遺金

一囊守以待亡者詢得實完而歸之不受其謝後棄掾

隱處三舉賓筵不就以壽終廬陵曾士亮為之銘蔡志

胡鈞南隅人與人解忿釋爭急公向義弗憚其勞年七十餘終蔡志

王一宦字魁寰南隅人修城有功邑寇亂後田多汙萊一宦捐穀千石牛百餘隻招集開墾貧而無資藉其力以婚嫁者數十家又代人輸賦不責其償鄉里重之贛郡志

張志

胡金朗西隅人隆慶庚午建儒學頭門弟金壁建學前石坊鍾騰喜北隅人建正衣亭一座知縣盧晉申詳院道並給冠帶義民旌璜程嘉義匾蔡志

國朝

興國縣志

卷二十五

人物善行

三

謝應梅字魁也質直好施康熙己未師克崖石捐金贖泰和二難婦歸其夫同里有負債將鬻女以償者應梅知之力阻焚其券邑人義之林志

黃大亨邑諸生重然諾遇公義喜為眾倡官兵勦崖賊餉費不貲大亨素善宣義將軍幕友說尚之義假道雩陽賊平邑不知兵林志

鍾肇翊字文運康熙八年內兄王某逋賦將鬻子為僧肇翊代輸撫其子為之擇傅受室後生二子歸宗贛郡方志

曾秀榮山寮人當順治戊子康熙甲寅兩遭兵寇遺骸遍野秀榮與弟秀祿拾骸骨千餘具瘞於黃土堞囑子

孫世世修理毋令樵牧戕害及為狐兔所窟宅蔣志

曾聯第字友蘇山寮人康熙甲寅寧都信豐友人為

賊所擄者破產贖出之蔣志

曾念筠山寮人當崖寇蹂躪衣錦時與其族人耐衢敬

衢用吳在龍高傑薦玉翼文團結義勇保障鄉里康熙

丁巳賊環攻半月互有殺傷薦玉翼文冒死突圍求官

兵救援官兵發賊乃散鄉人德之蔣志

劉大復字鼎卿大足鄉人從守備李應龍征韓大任黨

於邑西鄙賊平有被脅難民數人應龍欲照從賊律駢

誅之大復力救得釋知縣黃惟桂表其閭蔣志

興國縣志

卷二十五

人物善行

十四

梅毓真字廷煌頗涉學樂善好施黃令惟桂濬春口壩

成擇邑中高年有德者先渡以落之得五人名曰五老

浮河毓真為之首歲己巳

詔賜高年粟帛亦居首焉壽九十三終蔣志

劉廷相字五瑞康熙丁巳序貢丁亥選安義訓導年八

十九矣遂固辭嘗傾橐數百金構縣南德星橋民不病

涉每遇災荒賑貸貧乏好行其德壽九十一卒贛郡張志

王希淑年六十喪其壯子乃罄竭貲產施惠鄉閭冬而

續暑而疇荒則粥疫則藥歿死則槥人以空乏告者施

予無恡色壽過八十乃卒蔣志



子事之如父殯葬盡禮鄉里咸推重之孔志

鍾高接字美周監生北二里人敦本好義遇戚友困乏

解囊助之乾隆壬戌水災募工掩埋流屍癸亥歲饑出

穀數百石碾米平糶斬令樹藻獎以國士尚義之匾孔志

王賓國澄塘人好施與壬戌大水附近被災者悉賴周

濟癸亥饑減價出糶穀盡倡眾平糶知縣斬樹藻獎以

匾曰仁里義民孔志

郭良輔字汝弼全弟良佐字國柱監生北隅學前人乾

隆戊午新建學宮指名宦祠地基羅國佩國球哲士捐

學宮禮門地基蔡遇選助修文溪橋謝孔鶴鳳岡人好

興國縣志 卷二十五 人物 善行 六

善樂施蕭巽說文溪庠生捐修橋渡劉子闕李瑞華桐

溪人俱見孔志

王廷俊字右千庠生飲賓北隅二里人乾隆壬戌戊辰

歲饑捐穀百石助賑壬申出穀一百五十石錢八十千

貸鄰里不取其息贛郡方志

康國泰字世久例貢程渡人乾隆二十一年捐造文溪

石橋費銀四千六百兩贛郡方志

楊颯晶字瑋廷例貢方山里嚴溪人乾隆三十年出穀

二百餘石減價平糶又伯祖母以寡婦孤兒相繼歿珮

晶為撫其遺孫贛郡方志



李春楸監生乾隆三十年捐造青華山石添福橋費千  
金四十一年又捐造丁公坡添壽橋費七百餘金邑令

鄧以德著津梁額贈之

贛郡方志

邱金榮監生乾隆三十五年造崇賢礫興吉橋費七百  
餘金四十一年造石澣頭永興橋費二千餘金四十二  
年造石澣頭小溪橋費二百餘金知縣吳鄧皆獎之

贛郡志

鍾元亮字希陶諸生舉飲賓嘗捐修祖祠二所乾隆壬  
戌邑被水捐穀數百石賑濟壬申乙酉歲歉俱減價平

糶贛郡方志

興國縣志

卷二十五

人物善行

七

鍾遴字雋士邑庠生贈文林郎高多人雍正七年歲饑  
賑穀千石乾隆三年捐貲助修學宮七年季夏山水暴  
漲民多湮沒施棺殮殮復捐施義塚以葬旅櫬之無所  
歸者戚友借貸力不能償每焚其券

劉正傳字子星龍坪人監生飲賓年二十七喪偶不再  
娶遇利濟事必捐貲為衆人倡見人過失務為掩覆嘗  
有僱工人私匿多金誑稱被竊正傳知之但勉令娶婦  
置田毋浪費而已其不肯顯斥人過類如此

江耀歡名思溫以字行衣錦鄉堰水人飲賓艱苦成家  
自奉儉約而施予不吝親友借貸力不能償私以券還

之不使子孫及他人與知耀歡死往往有持楮錠哭墓下者雩都宋昌圖爲作墓誌謂欺與誣他人所甚不堪者耀歡怡然受之絕不與校其言行動合自然綽有古人遺意云

楊德孚字普震儒林鄉周地人監生家素封與弟際隆象乾同以恤貧濟困爲任周地與贛接壤乾隆壬申乙酉庚子歲歉嘗減半價平糶不分畛域前後糶穀數千石皆由際隆經理郡守縣令及兩邑紳士咸嘉美之贈以聯匾

郭震唯字貫一北隅學前人從九品職敦內行好施濟

興國縣志

卷二十五

人物  
善行

六

因繼母病目檢醫書知目翳重者非藥力可除遂晨夕以舌舐之閱兩年母目復明更究心方書時時以藥餌濟人受其惠者深德之子邦安能承父志修祠墓贍祭田邑有義舉爲眾倡不辭勞劇

鍾世芳字桂標春卉子飲賓贈儒林郎乾隆三十八年倡修學宮乙酉庚子丁未歲饑皆減價平糶建橋渡修道路義行載壬寅府志嘉慶十九年邑人議建考棚世芳諸子及孫以未授分之貲建造頭門及叅亭蓋奉世芳遺命云

鍾世蓉字華亭世芳弟例貢生性喜施予樂善不倦世

芳遇饑年減價平糶世蓉同兄弟子姪咸出穀爲助臨歿指未授分之產命諸子歲儲所入以應邑中公事嘉慶十八年建考棚道光四年修縣志諸子皆以世蓉遺命捐貲樂助邑人稱爲義方之訓

劉啟湛字澹安大復孫太學生篤於內行課子孫務本業好周人急乾隆庚子歲饑傾家中所有之穀減價平糶不足則告糶於鄰邑之良口汎舟以助其生平所爲利濟事多類此晚年親見諸子遊黌序貢成均仲子凝司鐸有聲孫世援會孫逢昌先後膺鄉舉人謂啟湛積學未報之科名見償於其後蓋非無自云

興國縣志

卷二十五

人物  
善行

九

王可講字任詳小春人辛苦成家撫孤姪不異已子析已產之半以予之人咸謂不可及建本村木橋五座修族中古墓數十塚小春村後爲咸潭里坳合龍等處至縣城之路中隔崇山險峻艱於上下可講躬操畚耨平治之閱數年始成通衢至今口碑載道

鍾廣京字其大世芳仲子貢生例授州同職所居竹壩村平疇千頃遇亢旱居民屛水灌田日夜不絕廣京惻然念舊有陂澤自前明開濬廢且久捐三千金倡里人疏爲渠長十餘里灌田租二萬石有奇邑人議重新學宮及改建崇聖祠等處皆獨任之又採形家言建凌

雲塔於學之異位以興起文運嘉慶十二年知縣謝袞  
詳請咨 部纂入會典十六年知縣俞之鈺以廣京前  
後捐貲急公數逾萬金請  
旌表奉

旨給銀建樂善好施坊廣京生平處宗族有恩遇饑年  
於減價平糶外必另碾穀按丁口分給族人里有少婦  
無子守節資其衣食終身更爲立繼娶媳其餘濟困扶  
危之事甚多旣歿邑人高其義謂學之左有越國公祠  
廣京其苗裔也遂附祀焉

鍾廣高字信孚廣京弟監生性喜施予邑有白沙橋爲

興國縣志

卷二十五

人物  
善行

三

吉郡通衢高數丈長倍之溪流湍急屢築屢毀廣高前  
後捐三千餘金卒築成之歲饑減價平糶遇戚友婚喪  
必稱情佐助尤敬禮師儒見親族中有質美可學貧不  
能從師者輒代出館穀助其成立

鍾光選字明道監生性慈惠尤篤於宗誼先世自城北  
遷居龍坪光選不忍區別族從遺命諸子設家廟立義  
倉以收合之生平所捐造橋梁歲時修補久而弗懈遇  
鄉人構爭必力爲排釋不令涉訟里族咸推重之

鍾光遴字司鐸光選弟例貢生居家孝友待戚族有恩  
嘗與光選諸子共捐二千餘金建祖祠又各捐穀百石

倡立義倉戚黨中有謀鬻子女度荒歲者贈以錢米俾得完聚邑有溺女俗申明族規所全活甚多年八十豫知逝期無病而卒

蕭錦標字粹中雲隨仲子監生言行不苟有父風年廿八喪偶撫一子一女不再娶汪大宗伯廷珍督學江右時以高義篤行旌之卒年七十有七

蕭聲標字志堅錦標弟監生幼聰敏讀書輒有會心家貧不能卒業服賈以養父母有同賈贏五十金在聲標所每勾稽不及此項聲標知其遺忘出己簿追償之人稱長者嘉慶庚申邑大水浮屍順流而下聲標鳩貲掩

輿國縣志

卷二十五

人物  
善行

三

埋偕其友郭邦賢冒暑乘舟沿河收取得免暴露者甚多平居與人無爭善排釋紛難於家庭骨肉間尤多所曲全卒年七十有二臨川紀大奎表其墓子朗峯翰林院庶吉士

歐陽瑚字國榮西隅人家貧推擇爲吏有長者風繼而棄去學營運攜幼弟同爨友愛備至置產不及二頃聞南門外石橋圯輒賣其半以助修橋費或謂公非寬裕此舉似可已瑚曰不然買田爲子孫計吾甯日亦爲子孫計耳然瑚自賣田後家日益起賑貧恤困遇荒年必減價平糶晚年以子標官太倉衛千總身膺封典人

以為植德之報

蔣志

蕭韻和字揮五監生東隅人質直尚義為士林所信服  
邑中公事多推韻和綜理無巨細必盡心曰我既任之  
不敢辭勞勩也知縣伍彭年訓導傅顯功均為文以獎  
其行

蔣志

魏翼廷字旭貴江背洞人監生嘗於來源逕構活水園  
為本村義塾置田租四十石以贍脩脯貧苦親鄰當饑  
歲賜恤不吝

蔣志

黃上軒字軒舉封登仕郎寶城鄉小溪人造橋渡平

治道路逢饑年減價平糶諸子承遺命捐貲重修邑志

興國縣志

卷二十五

人物善行

三

又勲建府學西廡獨建府學魁星閣邑人重之義聞益  
昭

劉高魁字德奎龍坪人大禾場荷樹陂造一茶亭捐租  
贍之又西門外捐造一橋

蔣志

江瀾字馨遠衣錦鄉人捐授衛千職嘉慶間重葺郡城  
考院瀾捐修東西文場道光十年燬於火時瀾已歿妻  
黃氏依原址重建又修府學東廡新造本邑試院增修  
城垣城樓皆巨費後復捐貲備試卷修邑乘建育嬰堂  
設法以拯溺女遠近城鄉全活甚多至今邑之言善行  
者胥推瀾為最

蔣志

黃敬熙字建誠光祖子以子炳猷職 誥封朝議大夫  
性嗜義嘉慶年間歲祲米價驟昂出穀減價平糶道光  
丙午歲大饑捐穀數千石設廠煮粥賑救數十里餓者  
幾及一月全活甚眾又建府學西廡考棚屏牆暨捐祭  
田修祖墓充義倉其好善樂施如此

王聲亮字德源可講孫以子榮冠職 贈儒林郎以孫  
殿魁職 晉贈昭武都尉性孝友樂善好施每值義舉  
輒解囊捐助嘉慶癸酉捐田租八十八石爲文武童生  
縣考卷賢郡城濂溪陽明兩書院共捐銀千六百兩以  
充膏火造本境華亭石橋四座老墟橋墩三座共費千  
輿國縣志 卷二十五 人物 二十三  
有餘金生平所爲總計捐金三千有奇邑中諸善舉數  
在百十以內者不與焉舊志稱可講躬操畚揭開山通  
道閱數年遂成通衢往來行人口碑載道今聲亮樂善  
不倦如是可謂能繩其祖武者矣

袁紹斗字敬南崇賢人濬季子 例授布政司理問好  
讀書不爲舉子業終日手鑑史一編遍觀古人成敗輒  
深求其所以然旁及感應篇功過格尤奉行不倦自奉  
儉薄而樂施捨道光甲午歲大饑斗米易錢七八百文  
捐穀三百石以拯餓者又出穀數千石減價平糶鄰里  
賴以全活者不下數千家及後家中落尤兢兢一介不

苟取嘗鬻田於鄰人謝某值千金折券交價事既訖謝忽失其券因袖數十金求更署或謂但少靳可得百金不聽返其金卒如式書券付之去莫不交口稱長者其他懿行尤不可枚舉享年八十無病卒子六人孫會元五十餘人併子婦孫會婦家共百餘口子孫列膠庠貢成均者踵相接

鍾鳴喞號靜軒光選子 誥授奉直大夫 晉贈中憲大夫隆師重道禮意極優性伉爽每鄉鄰有爭競輒據理直斷爲之排解靡不悅服屢值歲饑出穀賑貸獨建真君閣襄修邑志祖祠俱不惜多費其他成梁除道周

輿國縣志

卷二十五

人物善行

二十四

急濟貧種種善行不勝枚舉享年七十有五次子音鴻由翰林官至湖南辰沅永靖道孫啟响啟巖等聯科拔萃四人啟响官至侍講諸後裔在庠者多人人咸謂盛德所致

江步蟾字金波鰲源堡人以勤儉起家樂善不務名凡遇橋路廢輒修治恤羸阨賙貧乏皆陰行其德不望感報自嘉慶以來捐備文武童院試卷資又屢次賑濟荒歉遠近全活甚眾計諸費約數千金迄今子孫蕃盛每燕集青衿盈室而恂恂謹飭克承先志蓋其詒謀有自云



黃偉猷字與雨灘上人肇熙子監生精青囊術尤善日課遠近求者甚夥性秉公正鄉里中排紛解難弗憚其勞且好善道光間歲屢饑碾米平糶又捐穀一百五十石倡建義倉爲久遠計書院膏火與修邑乘均不吝白金其餘建祠廟修橋路諸凡善事所費不貲生子五長瑞嵐例貢二瑞崑增貢三瑞崙歲貢四瑞嵩例貢五瑞龍由文庠循例授同知銜加一級保舉知縣公以其職誥封朝議大夫膺鄉飲孫曾列膠庠膺顯職者十五人黃大猷字若林敬熙子邑庠生以弟炳猷循例馳封朝議大夫道光十四年興邑大饑捐千金屬董事出境

興國縣志

卷二十五

人物

二十五

採買輾轉接濟金盡乃止又每日出穀百石賤糶逾月以是存活無算襄建郡屬試院暨濂溪講舍邑三程祠久廢捐貲修復村頭陂久淤開濬修築又捐田租爲久遠修濬計太公井小坑文溪等處建設橋渡田租以便利濟歲科考新進薪水舊係各生自備自道光二十二年捐貲代繳又捐租爲書斗飯食諸凡所費萬餘金至於建家祠興祭產充義倉施義山種種善行俱堪風尚道光年間奉

旨旌表

藍際春字掄元東龕人幼慧過目成誦弱冠入邑庠歲

科試列高等屢躋棘闈不以介意嘗手錄先儒語錄四卷及古文時文二十餘本以課生徒遊其門者多成就性孝友門以內無閒言而心氣和平圭角不露惟見義必爲以爲人情多好勝惟善自我爲則爭人所不爭也子海山倡修宗譜并捐嘗資孫炳芳 恩貢生曾孫拔奇翰林院編修嘗捐助邑中書院膏火郡城 文廟本邑志乘與夫橋渡祠廟之修約計五百金有餘皆承先志而爲之者也

謝仰高悠久阡人道光間大饑出穀賑濟更助貲採買以相接續贛郡修理試院捐銀千兩任造後堂又捐造本境橋渡八十處餘善事之在族里者甚多道光十四年奉

興國縣志

卷二十五

人物

二十六

旨旌表議敘八品頂戴孫配鵬舉人加捐刑部主事配鴻廩生

蔡朝宗西隅人道光甲午歲饑邑人議出境採買朝宗捐錢八石串輾轉以濟又捐錢八石串爲贛郡濂溪書院經費其尋常捐數較少者不及備載

鄒漢倬崇賢大學生 誥封通奉大夫好善樂施每遇

通衢要津輒修橋路以利跋涉子德馨蘭馨亦好義會襄修省垣貢院獨建邑城魁星閣并捐助書院膏火增

城垣儲義倉助修志之費合捐二千餘金德馨捐授知府職加道銜蘭馨由邑庠加捐京部郎中

鍾廷榮字任官程水人 誥封奉直大夫性渾樸自奉

約而好施嘗命其子捐修程水廖屋溪德星橋各處橋

渡並設田租爲工用修整費又擴充書院膏火捐貲襄

修邑乘獨建祖祠倡立龍砂程水義倉前後捐穀三百

石統計諸善舉費銀三千有奇子名啟祥循例州同加二級

陳理明蓋源人 勲封奉政大夫忠厚傳家每逢荒年

出穀賤糶鄉里有爭嘗代錢寢息不責償或與肩販貿

易必多予之利嘗訓其子孫曰若輩辛苦營生稍益之

興國縣志

卷二十五

人物

二十七

遂有濟於急需於我固無大損也子嘉言亦克遵遺訓  
素知醫從不受謝尤好士貧士之有志者每助資獎成  
之嘗送合邑鄉試卷資數次又造龍坪板橋外如助軍  
需輸膏火修邑乘與其姪國彪共承先志不吝多金後  
理明子孫蕃盛家無白丁孫作霖成進士授主事作舟  
舉人蓋好善之報也

韓朝魁字以文清德鄉人幼習舉業兼究心申韓及長  
充本邑刑書謹慎平恕嘗書人在公門正好修七字以  
自警有子六人三達春五迎春六進春先後以騎射捷  
鄉科進春成進士授甘肅都司後以戰功累授建威將

軍記名提督 贈朝魁如其官進春好義念先人有志未竟於本邑新進文武生薪水捐費甚鉅繼因重修邑志捐錢八百緡爲倡又捐本堡義倉穀五百石特建郡城昭忠祠以祀陣亡諸將士其本境橋渡祠廟多有仗助蓋善繼伊父之志者也

藍炳芳號燮堂掄元孫弱冠列膠庠文名藉甚學者爭師事之父海山性嚴正有子六人小不謹輒呵責不貸惟炳芳能得懽心易簣時顧謂諸子曰有汝長兄在吾無憂也顧家貧食指繁所得館金悉付弟主出納數十年不異爨族黨有雀鼠爭必開誠布公反覆排解令兩

興國縣志

卷二十五

人物

二十八

家悅服乃已李子曰以父母之心爲心無不和之兄弟魏子曰天生一子之智所以教眾子之愚炳芳嘗引二說以曉人實則自道其生平云咸豐間屢次團練有效

嗣奉

旨襄辦全省團練時年已近古稀馳驅奔走不憚勞且以老得見用爲幸以子拔奇 馳封奉直大夫翰林院編修

邱定禧字集慶以子職 勅贈儒林郎性剛直少年謹飭無異老成父病侍奉湯藥寢食俱廢及父歿竟以哀毀卒歿時遺命其妻古氏教子行善事故凡賑饑施茶

修橋贍渡及今義田義倉義塚育嬰并邑中書院膏火之助壇壝志乘之修其子訖徵皆遵其命而奉行之鍾太史劉孝廉爲文以紀其事

蕭振綱武塘州同加捐同知銜初赤貧服賈營生所得餘資輒行利濟事嘗手創田租二十餘石悉以贍渡不少畱其先祖曾修築東北兩河陂圳振綱踵成之費數百金又修造各處橋路廟宇皆鉅費本里義倉捐穀百石爲備荒計其樂善之誠人以爲難及

吳學修字洪元蓮塘石鼓溪人幼循謹力學以犯略血疾廢舉業居閒通有無不責息爲鄰里排解人多信服

興國縣志

卷二十五

人物

三九

嘗命次子品和助修 文廟書院各處橋路及修志經費計數百金又捐 文廟燈油貲百金生平重士惜字掩骼埋骨均見樂善之意道光間舉賓筵子品和以助餉例授貢生孫岳東授州同職呼三九郡庠